

Հայ մամուլի գրեթէ բոլոր օրգանները, նոյնիսկ դէպի Օրմանեան արքեպիսկոպոսը թշնամաբար վերաբերվող «Հօրիզոն» թերթը, արտասպեցեցին այդ նշանաւոր գիտնական եկեղեցականին յօդուածը, տպված Կ. Պօլսի «Բիւզանդիոն» թերթում, որով առաջարկում է հայ գրերի դիւտի 1500-ամեակի և տպագրութեան 400-ամեակի ազգային մեծ յօրելեանը յաւերժացնել հիմնելով Հայկական Ինստիտուտ, նման եւրօպական ինստիտուտներին, և առաջարկում է հիմնել այդ Ինստիտուտը եգիպտոսում, իբրև ամենից շատ յարմարութիւններ ունեցող կենտրոնավայրում, թէև խոստովանում է, որ յարմարագոյն վայրը կը լինէր Էջմիածինը:

Սակայն, ըստ էութեան, մենք ոչ Օրմանեան սրբագանի գաղափարին ենք դէմ, ոչ նրա առաջարկած վայրին, այլ պարտք ենք համարում առարկել նրա առաջարկի դէմ, իբրև անժամանակ և ներկայումս աննպատակալարմար մի առաջարկի, որ կարող է եթէ ոչ խոչընդոտ հանդիսանալ այն մեծ ակտի իրագործման, որով որոշված է յաւերժացնել համազգային մեծ տօնը, այն է՝ դպրոցական Ֆօնդի իրագործման, գոնէ թուլացնել նրա ոյժը:

Եւ նոյն պատճառները, որոնց հիման վրա մենք դէմ ենք գրական Ֆօնդ հիմնելու առաջարկին, զրգում են մեզ այսօր դէմ լինելու և Օրմանեան սրբագանի առաջարկին, ոչ ըստ էութեան, այլ ըստ ձևի և աննպատակալարմարութեան:

Բոլոր երեք առաջարկների մէջ, արոնք այժմ հրապարակի վրա են դրված, այն է՝ դպրոցական Ֆօնդ, գրական Ֆօնդ և Հայկական Ինստիտուտ, մենք առաջնութիւնը կը տայինք վերջինին, և թէ միայն նա դրված լինէր իր ժամանակին, որովհետև Հայկական Ինստիտուտը ծրագրվում է իբրև մի համազգային հիմնարկութիւն և արժանի է, որ նրանով յաւերժանայ համազգային մեծ տօնը, Դժբաղդաբար Օրմանեան սրբագանի իր առաջարկը արել է շատ անպան, երբ արդէն դպրոցա-

կան Ֆօնդն ընդհանուր հաւանութիւն և ընդունելութիւն է գտել և մտել իրագործման շաւղի մէջ:

Եւ քանի որ դպրոցական Ֆօնդը արդէն սկսված է, պէտք է այժմ փարել նրան և ուրիշ որևէ առաջարկ հրապարակ չը անել, այլ ամեն կերպ աջակցել նրա իրագործման: Դպրոցական Ֆօնդն ևս այնպէս, ինչպէս մենք էինք ծրագրում, համազգային մի հիմնարկութիւն է, որ պէտք է գոնացում տայ մի համազգային կարիքի՝ տգիտութեան փարատման:

Եւ դպրոցական Ֆօնդին առաջնութիւն պէտք է տալ գրական Ֆօնդից որովհետև առաջ դպրոց, յետոյ գրականութիւն, առաջ գրագիտութիւն, յետոյ գրականութեան զարգացում: Իսկ այն ձևով, որով ծրագրվում է գրական Ֆօնդը Թիֆլիսի Հայ Գրողների Ընկերութեան կողմից, միանգամայն անընդունելի է մեզ համար, որովհետև ևս նա ընտ համազգային բնոյթ չէ կրում, այլ պէտք է ծառայէ մի քանի կարօտեալ գրողների, այն ևս առևտհայ գրողների նպատման, ուրեմն մի մասնաւոր կարիքի, որին շատ լաւ գոնացում կարող է տալ և ինքը Գրողների Ընկերութիւնը իր սեփական միջոցներով: Դրական Ֆօնդ ասելով մենք հասկանում ենք մի Ֆօնդ, որ պէտք է նպատակ, զարկ տայ ընդհանուր հայկական գրականութեան թէ արեւելեան և թէ արևմտեան—բարբաւաճման:

Բայց գրա հերթն ևս կը գայ, ինչպէս ձիշդ նկատեց Գր. Չախուշեանը, երբ դպրոցական Ֆօնդը իրագործվի, անշուշտ, կը դրվեն հրապարակի վրա և Հայկական Ինստիտուտի և գրական Ֆօնդի առաջարկները: Առիթներ չեն պակասի:

Իսկ այժմ պէտք է ոյժ տալ միայն դպրոցական Ֆօնդին և աշխատել իրագործել այն:

Դպրոցական Ֆօնդ ասելով մենք հասկանում ենք համազգային դպրոցական Ֆօնդ, ինչպէս և ծրագրված էր սկզբից, թող թիւրքահայերն ևս մասնակցեն այդ Ֆօնդին և օգտվեն նրանից ապագայում: